



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-756/24
Vogošća, 23.05.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 23.05.2024. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE KOREKCIJE
INVESTICIONO-TEHNIČKE DOKUMENTACIJE ZA NADOGRAĐNJU UPRAVNE ZGRADE JU
KSC VOGOŠĆA (IZRADA NOVOG PROJEKTOG RJEŠENJA)

Član 1.

Ponuda ponuđača "HKP consulting" d.o.o. Banja Luka, ulica Petra Kočića broj 5. Banja Luka, odabrana je za pružanje usluge korekcije investiciono-tehničke dokumentacije za nadogradnju upravne zgrade JU KSC Vogošća (izrada novog projektnog rješenja), kao prvoplasirana na Rang listi, sa ponuđenom ukupnom cijenom nabavke u iznosu od 26.300,00 KM bez uračunatog PDV-a, odnosno 30.771,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.04.2024. godine donio Odluku o pokretanju Otvorenog postupka nabavke usluge korekcije investiciono-tehničke dokumentacije za nadogradnju upravne zgrade JU KSC Vogošća (izrada novog projektnog rješenja), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.04.2024. godine pod brojem: 1353-1-2-81-3-65/24.

Sažetak Obavještenja o nabavci objavljen je u "Službenom glasniku BiH" broj: 30/24 od 07.05.2024. godine.

Tendersku dokumentaciju sa Portala javnih nabavki BiH su preuzela 23 (dvadeset i tri) ponuđača.

Krajnji rok za dostavu ponuda bio je 21.05.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.05.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-756/24 iz aprila 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Radis" d.o.o. Istočno Sarajevo	34.496,00	/	/	40.360,32
2	"HKP consulting" d.o.o. Banja Luka	26.300,00	/	/	30.771,00
3	"Studio DVA" d.o.o. Sarajevo	25.850,00	/	/	30.244,50
4	"Institut za građevinarstvo IG" d.o.o. Banja Luka	34.080,00	10%	30.672,00	35.886,24
5	"Urbis centar" d.o.o. Banja Luka	28.380,00	/	/	33.204,60

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Studio DVA" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod a) TD je propisano da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor ili više pojedinačnih ugovora čiji je karakter i kompleksnost isti ili sličan onom koji se odnosi na predmet nabavke (izrada građevinskih projekata visokogradnje) u ukupnom iznosu od 20.000,00 KM bez uračunatog PDV-a ili više pojedinačnih ugovora u ukupnom zbiru od 20.000,00 KM bez uračunatog PDV-a.

Tačkom 7.4.2. pod a) TD su kao dokazi zahtjevani spisak izvršenih ugovora u ukupnom iznosu od 20.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđač "Studio DVA" d.o.o. Sarajevo je u svojoj ponudi propustio da dostavi spisak izvršenih ugovora-referenc listu, u skladu sa članom 48. stav 2. Zakona o javnim nabavkama BiH, te je na taj način postupio suprotno jasno postavljenom zahtjevu ugovornog organa iz tačke 7.4.2. pod a) TD.

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno nepravilna za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Radis" d.o.o. Istočno Sarajevo,
- "HKP consulting" d.o.o. Banja Luka,
- "Institut za građevinarstvo IG" d.o.o. Banja Luka i
- "Urbis centar" d.o.o. Banja Luka

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda, te je izvršena računska provjera dostavljenih ponuda, nakon čega je utvrđeno da postoji računska grešaka u Ponudi ponuđača "Studio DVA" d.o.o. Sarajevo.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) je izvršila ispravku računске greške, te je aktom broj: 07-11-756/24 od 21.05.2024. godine dostavila na davanje saglasnosti ponuđaču "Studio DVA" d.o.o. Sarajevo.

Ponuđač "Studio DVA" d.o.o. Sarajevo je dana 22.05.2024. godine dostavio akt Izjava o računskoj grešci u kojem između ostalog navodi da "naše jedinične cijene kao i ukupna cijena bez PDV-a i sa PDV-om su validne i nisu dio propusta koje tvrdite da smo mi kao kompanija napravili.

Odnosno iz Aneksa 2 sve cijene ostaju validne jer u Napomeni nije izražen modul sabiranja jediničnih cijena kao i količina".

Tačkom 9.4.2. TD je propisano da će Ugovorni organ ispraviti greške u računanju cijene u slijedećim slučajevima:

a) kada postoji razlika između iznosa izraženog u brojevima i riječima - u tom slučaju prednost ima iznos izražen riječima, osim ukoliko se na taj iznos ne odnosi aritmetička greška;

b) ako postoji razlika između jedinične cijene i ukupnog iznosa koji se dobije množenjem jedinične cijene i količine, jedinična cijena koja je navedena će imati prednost i potrebno je ispraviti konačan iznos;

c) ako postoji greška u ukupnom iznosu u vezi sa sabiranjem ili oduzimanjem podiznosa, podiznos će imati prednost, kada se ispravlja ukupan iznos.

Iznosi koji se isprave na taj način će biti obavezujući za ponuđača. Ako ih ponuđač kao takve ne prihvata, njegova ponuda se odbija.

Članom 5. stav 4. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) je propisano da prilikom ispunjavanja obrasca za cijenu ponude ponuđač ukupnu cijenu stavke izračunava kao:

a) Proizvod količine stavke i cijene stavke, ili

b) Proizvod zbirnog procijenjenog udjela više objedinjenih stavki i zbirne cijene više stavki na koje se taj zbirni procijenjeni udio odnosi.

Obzirom da ponuđač "Studio DVA" d.o.o. Sarajevo svojim pisanim aktom od 22.05.2024. godine nije dao saglasnost na ispravku računске greške kako je to utvrdio i zahtijevao ugovorni organ u aktu broj: 07-11-756/24 od 21.05.2024. godine, Komisija za javne nabavke vodeći se u skladu sa odredbom člana 68. stav 4. tačka g) Zakona o javnim nabavkama BiH i odredbama članova 5. stav 4. i 17. stav 5. Uputstva za pripremu modela tenderske dokumentacije i ponuda je odbacila ponudu ponuđača "Studio DVA" d.o.o. Sarajevo kao nepravilnu.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge korekcije investiciono-tehničke dokumentacije za nadogradnju upravne zgrade JU KSC Vogošća (izrada novog projektnog rješenja) kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"HKP consulting" d.o.o. Banja Luka	26.300,00	/	/	30.771,00
2	"Urbis centar" d.o.o. Banja Luka	28.380,00	/	/	33.204,60
3	"Institut za građevinarstvo IG" d.o.o. Banja Luka	34.080,00	10%	30.672,00	35.886,24

4	"Radis" d.o.o. Istočno Sarajevo	34.496,00	/	/	40.360,32
---	---------------------------------	-----------	---	---	-----------

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "HKP consulting" d.o.o. Banja Luka, za pružanje usluge korekcije investiciono-tehničke dokumentacije za nadogradnju upravne zgrade JU KSC Vogošća (izrada novog projektnog rješenja), kao prvoplasiranom na Rang listi, sa ponuđenom ukupnom cijenom nabavke u iznosu od 26.300,00 KM bez uračunatog PDV-a, odnosno 30.771,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



Dostavljeno:

1. "Radis" d.o.o. Istočno Sarajevo
2. "HKP consulting" d.o.o. Banja Luka
3. "Studio DVA" d.o.o. Sarajevo
4. "Institut za građevinarstvo IG" d.o.o. Banja Luka
5. "Urbis centar" d.o.o. Banja Luka
6. Nadležnoj Službi
7. U dosije
8. a/a

radis.doo@gmail.com
 info@hkpbl.com
 irnes.mujagic@gmail.com
 info@institutig.ba
 office@urbiscentar.com